



Maqaa Kaadhimamaa: Juulii Kaang
Maqaa Duulaa: Juulii Siyaatil D5 dhaaf
Marsariitii duulaa:
<https://julieforseattle.com/>
Gita hojii: Mana Maree Magaalaa Aanaa 5
Lakkoofsa Bilbila Duulaa: 206.880.3873
Seensa Kaadhimamaa (daangaa jechoota hanga 200):

Ani yeroo dheeraaf jiraataa Aanaa 5, barsiisaa, fi miseensa hawaasaa cimaa dha. Akka godaantuu Kaaba Siyaatil keessatti jireenya koo ijaarrate tokkootti, murteewwan magalaa jireenna dhugaa jiru guyyaa guyyaa maatiiwwan hojjetootaa irratti, godaantotaa fi daldaltoota xixiqqoo akkamitti akka bocan nan hubadh.

Hoggantoonni keenya akka nu dhaggeeffatan fi wanti naannoo keenya dhugumaan barbaadu maal akka ta'e akka hubatan nu barbaachisa. Wanti ani dursa kennu gatii madaalawaa, mana jireennaa, nageennaa, mana dhabuu, fi eegumsoota godaantotaati.

Jireenna koo guutuu tajaajila hawaasaa fi barnoota ol'aanaa keessatti dabarsee jira, barsiisota barattoota afaan hedduu dubbatan deeggaruuf leenjisee jira. Yunibarsiitii Waashingitanii fi Yunibarsiitii Siyaatil keessatti hojjechuun, sagantaalee bal'aa qopheessuu fi geggeessuu, baajata mootummaa xaxamaa ta'an bulchuu, akkasumas qindoomina dameewwan garaa garaa gidduutti itti gaafatamummaa, haqaa fi bu'aa irratti xiyyeeffatan ijaaree jira.

Boordii Kilabii Hawaasa Haller Lake keessatti nan tajaajila, baankii nyaataa keessatti tola ooltummaa nan hojjedha, hawaasa godaantota keenna nan barsiisa akkasuma meeshaalee fiigichaa (whistle ktis) raabsuu fi daldala xixiqqaa deeggaruuf deemsa FuseD5 nan geggeessa. Ani miseensa gamtaa WEA ta'uu kootti nan boona abbaan warraa koo miseensa UFCW 3000 ti.

Ani beekumsa hawaasaa, muuxannoo baankii, ogummaa imaammataa fi hoggansa tasgabbaa'aa Mana Maree Magaalaa keennaatti nan fida. Ani hogganaa hawaasni keenna barbaadu – nama dhaggeeffatuu fi kanneen sagalee hin qabneef falmu ta'uuf waadaa nan gala.

Deeggarsa keessan argachuu fi aanaa keenna bakka bu'uun koo kabaja guddaa natti dhagaahama.

Kaadhimamaan kun Sagantaa Vaawucharii Dimookiraasii irratti hirmaachaa jira.



Maqaa Dorgomaa: Silaas Jems (Siilas Jeems)

Maqaa Duulaa Filannoo: Silas for Seattle (Silaas Siyaatil'iif)

Weebsaayitii Duulaa Filannoo:
<https://silasforseattle.com/>

Sadarkaa hojii magaalaa kanaaf irratti dorgoman: City Council District 5 (Mana Maree Magaalaa kan Distriktii 5)

Lakkofsa Bilbila Kampaanii Duulaa Filanno: (425) 224-5463

Maqaan koo Silas James jedhama, Magaalli keenya nama hundaaf haala fooyya'aa ta'een akka tajaajiltu gochuudhaaf, District 5 keessatti miseensa Seattle city council ta'uuf dorgomaa ta'ee dhiyaadheera. Ani akka barsiisaa qaama miidhamaa ta'e, qorataa, falmaa mirgaa fi walitti qabaa Seattle Disability Commission (Komishinii Qaama Miidhamtoota Siyaatil) tokkootti, sirnoota keenya kanneen caccaban irratti abdii kutadheera. korporeshinoonni abbaa qabeenyaa ta'an qooda barbaachisu akka kaffalan, manneen jireenyaa gatii madaalawaa qaban akka babal'atan, akkasumas furmaatota hawaasa irratti hundaa'an kanneen akka nageenya fi haqa jijjiirama qilleensaa deeggaran akka uumaman gochuuf ciminaan nan hojjedha. Olloota keenya harka qalleeyyii ta'aniif Seattle mijataa taate uumuu yoo dandeenye hundi keenya ni fayyadamna.

Jireenya koo harka caalu deeggarsa mootummaa irraa argamu (public benefits) fayyadamuun kanan dabarse yoo ta'u, muuxannoo koo kanaanis sirnoota walxaxaa akkasii irratti ogeessa ta'uu danda'eera. Yeroo dheeraaf namoota dhuunfaa qajeelchuu/hoogganuu fi gareewwan barsiisuu dhaan milkaa'a akka ta'an gargaaraa kanin ture ta'us, yeroo ammaa jijjiirama sirnaa bu'uura qabeessa ta'e Seattle maraaf bu'aa argamsiisuu danda'u fiduuf kutadhee ka'een jira.

Namootni milkaa'uuf qabeenya isaan barbaachisu dhiyeessuuf, akkasumas, eenyummaan isaanii, eessaa akka dhufan yookaan maallaqni qaban osoo hin ilaalamina naannoon keenya

nama hundaaf nageenyi isaa kan eegame akka ta'u gochuuf filannoo kana irratti nan dorgoma.

Vaawucherii dimokrasii keessan (Democracy Vouchers), Silas for Seattle dhaaf kennuu dhaan duula filannoo kootiif deeggarsa akka naaf gootan nan gaafadha.

Korporeeshinoonni biliyeenara ta'an egeree magaalaa keenyaa akka murteessan eeyyamu mannaa, abbummaan keenya ta'uu isaa haa mirkaneessinu.

Kaadhimamaan kun sagantaa vawucherii dimokrasii keessatti hirmaataa jiru.